



Tužilaštvo - Tužiteljstvo Bosne i Hercegovine  
Тужилаштво Босне и Херцеговине

Broj: T20 0 KTRZ 0012713 16

Sarajevo, 26.12. 2022. godine

SUDIJI ZA PRETHODNO SASLUŠANJE

SUDA BOSNE I HERCEGOVINE

SARAJEVO

Na osnovu člana 35. stav 2. tačke i) i člana 226. stav 1. Zakona o krivičnom postupku Bosne i Hercegovine, podižem

OPTUŽNICU

Protiv:

ĐURIĆ ELVISA, [REDACTED] rođenog [REDACTED] 1969. godine  
u Vlasenici, [REDACTED]

[REDACTED] državljanina Bosne i Hercegovine i Republike Srbije,  
[REDACTED]

Što je:

U periodu od početka aprila 1992. godine do kraja avgusta 1993. godine za vrijeme oružanog sukoba na području Bosne i Hercegovine, u okviru širokog i sistematičnog napada pripadnika TO Srpske opštine Vlasenica, kasnije pripadnika Vojske Srpske Republike Bosne i Hercegovine i policije Stanice javne bezbjednosti Srpske opštine Vlasenica, podpomognute paravojnim formacijama koje su dolazile iz Srbije, usmjerenog protiv nesrpskog civilnog stanovništva na području opštine Vlasenica, kao pripadnik rezervnog sastava Stanice javne bezbjednosti Vlasenica, znajući za taj napad i da njegove radnje čine dio napada, učestvovao u progonu bošnjačkog civilnog stanovništva opštine Vlasenica, na nacionalnoj, kulturnoj, etničkoj i vjerskoj osnovi, ubistvima, zatvaranjem i

drugim teškim oduzimanjem fizičke slobode suprotno osnovnim pravilima međunarodnog prava, mučenjima, drugim nečovječnim djelima slične prirode, učinjena u namjeri nanošenja velike patnje ili ozbiljne fizičke ili psihičke povrede ili narušenja zdravlja na način da je:

1. Dana 18. maja 1992. godine, u Vlasenici u mjestu Džamdžići, uniformisan i naoružan automatskim puškama, kao pripadnik rezervnog sastava SJB Vlasenica, zajedno sa drugim njemu poznatim vojnicima i policajcima, učestvovao u pješadijskom napadu na selo Džamdžiće, u kojem su živjeli Bošnjaci, kojom prilikom su opkolili selo, a zatim pucanjem iz automatskog oružja, ubili civile [REDACTED] [REDACTED] čija tijela su ekshumirana u junu 2000. godine u selu Džamdžići, iz kuća [REDACTED] [REDACTED], protupavno prisvojili razne pokretne stvari, a zatim bacanjem bombi i pucanjem sa transportera, zapalili kuće [REDACTED] [REDACTED] pričinivši na taj način veću materjalnu štetu,
2. Polovinom maja 1992. godine u Vlasenici, uniformisan i naoružan, kao pripadnik rezervnog sastava SJB Vlasenica, zajedno sa još nekoliko njemu poznatih pripadnika srpske vojske i policije došao u selo u selo Alihodžići, opština Vlasenica u kojem su živjeli Bošnjaci, opkolili kuću [REDACTED] u kojoj su se nalazili civili [REDACTED] [REDACTED] a zatim ih istjerali iz kuće, odveli iznad kuće, na mjesto gdje se cijepaju drva, tražili da im predaju novac i zlato, a kada su oni to odbili učiniti, u pravcu njih uperili automatske puške i pištolje, oštećenog [REDACTED] udarali palicama po tijelu, posljedicom čega su oštećenom [REDACTED] i drugima nanijeli ozbiljne psihičke bolove i patnje, a oštećenom [REDACTED] [REDACTED] i fizičke bolove, a zatim se udaljili u nepoznatom pravcu,
3. Početkom maja 1992. godine u Vlasenici, u jednoj od prostorija na trećem spratu zgrade Stanice javne bezbjednosti Vlasenica u kojoj su nezakonito zatvarano civilno nesrpsko stanovništvo sa područja opštine Vlasenica, kao pripadnik rezervnog sastava SJB Vlasenica, zajedno sa još nekoliko njemu poznatih pripadnika policije, prelaćivali zatočenu [REDACTED] tako što je naizmjenično ulazio u prostoriju, udarao je više puta pesnicama, nogama i kundacima pušaka u predjelu leđa i tijela, posljedicom čega je zatočena [REDACTED] zadobila ozbiljne fizičke i psihičke bolove i patnje,

4. Dana 22. juna 1992. godine ili približno tog datuma u popodnevnim časovima u Vlasenici, uniformisan i naoružan automatskim oružjem, kao pripadnik rezervnog sastava policije, zajedno sa još nekoliko njemu poznatih pripadnika srpske vojske i policije, učestvovao u pješadijskom napadu na nebranjeno selo Alihodžići, opština Vlasenica, kojom prilikom su opkolili selo, a zatim oko pedeset civila nesrpske nacionalnosti među kojima su bili [REDACTED] [REDACTED], bez pravnog osnova uz prijetnju upotrebe oružja istjerali iz kuća i naredili im da idu u pravcu naselja Jezero, opština Vlasenica, što su ovi u strahu za svoju bezbjednost učinili, za koje vrijeme su obezbjeđivali njihovo kretanje u koloni do naselja Jezero, odakle su na kamionu Fap 15, odvezeni do zatočeničkog objekta „Sušica“, opština Vlasenica u kojem su bila zatočena lica nesrpske nacionalnosti, gdje su zatočene civile iz sela Alihodžići, postrojili ispred hangara, oduzeli im novac i zlato, udarali ih rukama i nogama, od koji udaraca su zadobili ozbiljne psihičke bolove i strah za sopstveni život, a nakon toga zatočene civile iz sela Alihodžići zatvorili u prostorije zatočeničkog objekta Sušica;
5. Tačno neutvrđenog dana u junu mjesecu 1992 godine u Vlasenici, u mjestu Durakovići uniformisan i naoružan, kao pripadnik rezervnog sastava SJB Vlasenica, zarobio civila [REDACTED] [REDACTED] koji nije pružao nikakav otpor, a zatim lišio života tako što je izvadio nož iza pojasa prišao oštećenom zavrnuo mu glavu, a potom nožem oštrice preklao i odjsječenu glavu bacio,
6. Dana 13.06.1992. godine ili približno tog datuma u Vlasenici, uniformisan i naoružan, kao pripadnik rezervnog sastava policije SJB Vlasenica, bez pravnog osnova, zajedno sa još nekoliko njemu poznatih policajaca SJB Vlasenica, lišio slobode civila [REDACTED], a zatim ga odveo u zgradu SJB Vlasenica, gdje ga je premlaćivao, tako što ga je više puta udarao kundakom puške nogama i pesnicama po cijelom tijelu, potom prebacili u zatočenički objekat "Sušica", gdje je smješten u jedan od hangara, iz koga ga je [REDACTED] izveo i više puta palicom udarao po cijelom tijelu, dok je ovaj bio u klečećem položaju sa rukama iznad potiljka glave, nakon čega su ga ubacili u ćeliju, posljedicom čega je zatočeni [REDACTED] zadobio ozbiljne fizičke i psihičke povrede,
7. Krajem juna 1992. godine u Vlasenici, na autobuskoj stanici, uniformisan i naoružan kao pripadnik rezervnog sastava SVB Vlasenica, zajedno sa još jednim njemu poznatim pripadnikom SJB Vlasenica, a nakon što je 50-tak žena i djece bošnjačke nacionalnosti ušlo u autobus, u namjeri da idu na područje opštine Kladanj, koje je bilo pod kontrolom Armije BiH, pucali iz

automatskih puška i prijetili ženama i djeci, a nakon toga, žene i djecu istjerali iz autobusa i naredili im da napuste prostor autobuske stanice, što je kod žena i djece izazvalo ozbiljne psihičke povrede,

8. Tačno neutvrđenog dana u toku jula 1992. godine, u Vlasenici, u ulici Maršala Tita, naoružan i uniformisan, kao pripadnik rezervnog sastava policije SJB Vlasenica, zajedno sa još nekoliko njemu poznatih pripadnika vojske i policije, opkolili kuću [REDACTED], a zatim bacanjem eksploziva i pucanjem iz oklopnih transportera, zapalili kuću [REDACTED], pričinivši znatnu materjalnu štetu na objektu.

*dakle*, u okviru širokog i sistematičnog napada usmjerenog protiv civilnog stanovništva na području opštine Vlasenica, znajući za takav napad i da njihove radnje čine dio tog napada, učestvovali u progonu bošnjačkog civilnog stanovništva na nacionalnoj i vjerskoj osnovi, u vezi sa ubistvom, drugim teškim oduzimanjem fizičke slobode suprotno osnovnim pravilima međunarodnog prava, drugim nečovječnim djelima slične prirode, učinjena u namjeri nanošenja velike patnje ili ozbiljne fizičke ili psihičke povrede ili narušenja zdravlja i protupravnim, samovoljnim i vojnim potrebama neopravdanim uništavanjem i prisvajanjem imovine u velikim razmjerama,

***čime je počinio i to:***

osumnjicheni Đurić Elvis krivično djelo zločini protiv čovječnosti iz člana 172 . stav 1. tačka h) Krivičnog zakona Bosne i Hercegovine u vezi sa:

- tačkom a) lišenje druge osobe života ubistvo, u odnosu na tačke 1.5. optužnice u vezi sa članom 29. Krivičnog zakona Bosne i Hercegovine,
- tačkom e) zatvaranje ili drugo teško oduzimanje slobode, u odnosu na tačke 2,3,4, optužnice u vezi sa članom 29. Krivičnog zakona Bosne i Hercegovine, i
- tačkom k) druga nečovječna djela, u odnosu na tačke 6.7.8. optužnice a sve u vezi sa članom 180. stav 1. Krivičnog zakona Bosne i Hercegovine.

**TUŽILAC**

**TUŽILAŠTVA- TUŽITELJSTVA BiH**